

菊潭遺稿

上



5563.7
242

v.1

DHEW

菊潭詩稿序

國朝人材之盛最稱明宣之際茅茹彙征幾致
半野無遺賢時則有若菊潭先生任公生簪組世家
稟匪夷之才抱鳴國之盛一舉而得生進在泮而衆
推爲首簡在震袞擢拔需用將有其日而翩然高
蹈結情天山種菊爲庭寶引流爲潭荷衣薰帶逍遙
吟哦於其間不知老之將至豈所謂緼袍華於佩玉
飲水甘於列鼎者歟蓋致澤君民才具在我而亦不
欲小用其道寧窮餓巖處而無悔也往往以俟蟲時
鳥儉鳴其志事此詩稿之所以作久爲巾衍之藏今

十許世而無見而知之者終於此而已則後世豈復
有聞而知之者乎雖於先生韜晦之實心若無所損
而顯晦有時及今而出於世者信乎有關於世教者
不終於晦而已領在樂官以時存肄則中古淳樸之
氣足徵於風詠涵暢之間而一洗衰俗浮薄澆漓之
習其得行於今日庶或為回淳反樸之一大消息歟
後孫合謀劖劖晁鉉實尸其事珽鉉草事行過余而
托之弁卷者丞樸

崇禎後五周壬子陽復月幸州奇宇萬謹書

菊潭遺稿目錄

卷之上

五言絕句

龜坡雜咏

政方山

金華山

海月山

五峰山

沙月川

水餘瀑

南塘浦

得靈海

答寄季兒

六首

偶吟

二首

自述

四首

病中吟

老病歎

八月十五日夜

有懷

奉賡城主韻

二首

送別城主

次別雙檣

六首

寄大谷

二首

謝大谷賡來

寄雙檣

五首

又用前韻謝惠明紙

五首

寄長沙人

二首

題五禪樓

次石川

三首

丁巳暮春送竹娥書懷奉竹谷文右

三首

聞竹谷歸來寄贈

和竹谷文

五言四律

任氏島

長川洞

石祠

娥池

自述

五首

次仲賢

四首

又次仲賢兼示百鬼

五首

送仲賢歸京

擬豫章行贈送仲賢赴燕京之行 六首

記夢戎百英

題三樂亭示諸子

開池寄雙檜堂 二首

寄雙檜

寄大谷

又月前韻自述 三首

次李長城贈別長沙人 二首

次大谷秋懷韻 六首

次大谷韻邀三內 五首

謝大谷賡來

呈大谷

二首

呈純甫

三首

自述

五首

和求禮韻

二首

又謝惠紙

又謝黃崇善同遊方丈山

聞大谷悲語因寓之於詩

謝大谷

次竹谷和雙檜韻

贈長沙娥

次書敬能詩軸

答山中翁

次徐敏夫靜庵韻

四首

又次徐敏夫石川韻

三首

送別城主

客懷錄奉海運使吳太和鶴林公

寄希渡

病中次張秘書和韓吏部韻

寄評事李景獻

次薛公信青翠堂韻

四首

題通軒

遊可藏寺

次永思亭韻

十一首

輓宋公

十一首

輓宣內禁妻

二首

輓金盈叔妻

自述

時事

編竹渡蟻

二首

卷之下

七言絕句

任氏島

石祠

娥池

長川洞

晚翠亭

秋雨寄邀舍弟仲賢

三首

聞見方

寄季兒

二首

次大谷韻示季兒

次大谷見訪 二首

用前韵示彥至 三首

大谷遊賞安池詠得三篇翌日書送求和

次長城倅詩以問病

次大谷

次大谷夢見亾人 二首

謝大谷賡來

次別雙檜 三首

聞鳳城韻次寄

咏油

咏蜜

咏盤

詠菊

詠屏

詠頭流山
二首

書懷

謝見和

謝諸惠

謝屏

謝麴

謝油

謝蜜

謝盤

謝白文席

書懷

六首

答重創新佛庵求松材

謝李四橘明日來訪

次四橘月中書

二首

奉和四橘

七首

寄四橋堂

奉次四橋來和

八首

用前韻謝四橋來訪

甲寅正月聞獅峰休官之計因寄贈

謝城主送酒肴兼有詩

四首

乙卯元日寄太守

二首

辛亥冬初棲白巖得黃疸歷薛公信不遇

客懷錄奉海運使吳太和鶴林公

謝李評事見訪

二首

次祥卿書堂韻

十一首

又自述

清和初吉在沃縣書贈月蓮

奉和

希老致書求奴糧詩以爲酬

二首

答求紙

二首

又有書于豚輩而適在外不答

二首

南子順棲書堂欲還適雨奉贈

寄同年金俊巖

用前韻寄希渡

三首

次希渡八景韵

十六首

烽臺夕報

古寺鐘磬

大洞霽景

前村逐照

伽倻晚嵐

茂林脩竹

埜橋牧笛

院路行駟

又次別幅

六首

寄尹壯元

次寄友人 二首

贈鄭秀才

答君瑞簡中辭 七首

答慰服闋

答朮葡萄架竹

答秋來大舉君應向北

答自道耽情花草無意舉紫

答聞洪陽鎮川消息

答君述古

答懷命

又次別幅 七首

同寄朴雅 四首

贈仁師清師

無爲和尚來訪因以贈之

寄舊妓

寄曆山人

舊曆歎

題浩浩亭

金華山牧牛

石橋踏雪

西川洗馬

南亭避暑

聖洞望瀑

乙卯三月晦日黑土舘途中

病中吟

省中紅藥

二首

七言四律

永慕庵

三月九日爲鴨谷卜居事往來途中作

四月如京五月還家

慰仲賢

謝元相惠鶉膏又親書救治之方以示二首

贈別南子順

聞子順還遙贈之

寄朴佐郎三首

次李德容倚風樓韻三首

次瀛洲倚風樓韻三首

次安希渡題池干小閣三首

次安公涵碧堂韻

贈李雙梅還京

贈別李雙梅還家 二首

次題雙梅堂韻寄雙梅主人李敬先

題萬玉堂次大谷 二首

六月日大谷以八分書楸谷十三咏諸賢所酬
唱者一卷以來又以四韵一篇投之謹次以謝

用前韻再謝大谷 三首

秋懷示大谷

謝雙檜送曆

大谷休官未幾見訪因贈一律

次大谷寫懷 二首

寄大谷

謝朓禮見訪

贈別雙檜

二首

病懷寄大谷

寫病

題避俗堂

次求禮枕碧亭韵

聞雲水宰見罷寄懷

和堊翁

十一首

又奉和野翁

五首

慰贈天使還故都

輓宣內禁妻氏 二首

橘中四皓 二首

二月十六日夜病中望月

五月十日有懷 五首

五月二十日有懷 三首

排悶

長篇

拉玉 二首

雪竹

病中離懷錄奉雙梅行史

次林竹谷長句

東林竹谷

排律十一韵送大谷還京

鱸魚膾謝主倅

白駒歎

寄大谷涓道源

五月二十一日有懷

六月一日有懷

太宗雨詩

祈雨詞

閉田賦

三箭定天山賦

通禮公墓碣文章

魯談

詩話

聞見話

閒談

講說

菊潭遺稿

五言絕句

龜坡雜咏

龜坡是公
新築舊址

軒對三高嶽池容九小溪一區山水樂天地付吾儕

政方山

無心雲外山有約長當戶日夕悠然思誰知非獨古

金華山

盤根托黃祇達標撐蒼穹吾當上其上一盪不世育

海月山

海爲物取鉅月乃天之眼何人揭作號爲我萬古捍

五峰山

玉井生青蓮瑤池列仙童坐臥如對案遠揖將軍容

沙月川

沃我千頃苗穀我萬民腹堪笑天之河如許大無益

水餘瀑

飛流丹壑間出沒青林際爲問五老人亦有如許快

南塘浦

北接蒼山麓南通大洋潮我愛足奇麗民樂魚鹽飽

得靈海

納汙而藏疾千載獨稱君大哉亦有之八九一宵吞

答寄李兒

第五子講啓英初諱季鈞政謂季兒
号三島時讀書在書堂

碧侵三樣色紅壓數層竿交映豈良貴孤青看歲寒

其二

學問期爲秦功各視點竿苟知天辭貴無暇說飢寒

其三

不患功成小偏憂學力疎區區長役外未似早還廬

其四

爲學功難效治生計亦疎無歸渠莫恨鳴谷卜幽廬

其五

山開似錦花野有知茵草春物古猶今誰探雅也抱

其六

讀書如養兒去欲若除草愛薄豈成人根存終合抱
偶吟

爛熳桃三色琤琤竹萬竿天心生兩物偏慰我清寒
其二

鳩吟庭下苦雉伏花干草禽鳥豈冥頑亦知息機抱
自述

少懷君子道老作丈夫心天意終難度堪他澤畔吟
其二

智異登嵬眼中臺遊賞心佳期誰與結清想入孤吟

其三

清風吹水面明月照天心千載又清夜邵吟我亦吟

其四

蔽獲功名志浮雲富貴心鳳凰覽德下蟋蟀俟秋吟

病中吟

北牕涼可納南海眼能開終日枕書臥無人看竹來

老病歎

少年風馬遠相識曉星疎天地成多塞羣陰剝一廬

八月十五日夜

月小潭心靜風高露氣微忽驚佳節過獨坐強吟詩

有懷

自春不雨八月十三日大風百計疊盡千里一色自初夏有病又喪婦八月初七日

聘君又別世故云

凶荒千里共喪病一身孤辜負中秋月幽懷獨鬱紆

奉賡城主韻

客館帷幔薄江城瘴霧深悠悠風雪夜耿耿幾搖心

其二

京書來即晚借寇季何深賀句終霄覓難形不寐心

送別城主

古院松搖翠江天馬叫霜離懷難自禁壺酒遠千將

次別雙檣

姓李諱秀堯廣州人

曉夕勒鞍馬關郊擁雪霜離愁何以斷無賴佩千將
其二

梅恩宜雪月松整困風霜此別何須恨今歸福履將
其三

半世頭初雪十年劒未霜君歸誰復晤臨別更相將
其四

窮達肝懷缺才名髮欲霜離君應落莫何處舞方將
其五

世路澁如棘驚蹄歎未霜萍蓬從此隔餘恨媿難將
其六

知已古難遇逢君今幾霜忽驚千里別得句遣軍將

寄大谷

雙槽在大谷故云

相距知何許常持楚越思偷閒登避俗清話莫須辭

其二

間道傷秋臥空令勞我思何知梅月閣閒寫古人辭

謝大谷賡來

又有每一加五之示

庚庚橫小岳脉脉隔長思若許參心契追陪安足辭

寄雙槽

天上三更月人間萬里心相思無盡意都付一秋吟

其二

看花悲白髮對酒見丹心一世誰知我秋風獨苦吟
其三

惟將雙綠竹遙寄一丹心何日重相見聞君長短吟
其四

同居今世上獨得古人心易感難忘意都織一小吟
其五

滄貧殊滄富知面貴知心清德與清量行吟坐亦吟
又用前韵謝惠明紙

已許龍城約無求雲水心三場有餘用嘉惠感長吟
其二

龍城忘我諾雲水慰吾心大信初無約長懷寄短吟

其三

優示示君意固知我心茫然無所思惟寄寫情吟

其四

清風飛物議流澤感人心欲謝慙無語空勞終日吟

其五

雲水雲山好遊人遊覽心此心何以遂悵望坐空吟

寄長沙人

好回花柳質長守雪梅心暮雨朝雲處高山流水吟

其二

欲遂百年計當先一寸心有心無所表空和玉人吟

題五禪樓

悠悠千古寺肅肅五禪樓多少參臨者誰乘最上頭

次石川

姓林名億齡善山人
居海南

聲宏白雪曲路泣青泥盤聊爲鍾君聽空勞不世彈

其二

魏王匏濩落精衛討差池所貴天陰隲何憂人不知

其三

製芟何嫌薄騎驢不願肥誰能聽綠綺無復賦緇衣

丁巳暮春送竹娥書懷奉竹谷文右

姓林名誨
官牧使寄

送三友酒四季
花萬年松

天胡生我二同國不同隣有酒無相飲一壺附美人

其二

情話非不悅愀然逐舊村贈花先四季春色貴平分

其三

土與人信美望望去何因貧家無所有織送萬年春

聞竹谷歸來寄贈

春濃花野濶崑斗止川平何日一尊酒相輸萬古情

五言四律

任氏島

應時天錫姓效異石為冊漂泊仙山面樓遲孤嶼頭
蟬聯迷世代源派畧春秋子子殘仍遇悠悠為少留

長川洞

萬古長川洞壘然遠祖墳澤巖祠祀廢世易子孫存
孤穴嗟何難鳩居痛莫言山英亦著激我遇閉陰雲

石祠

天將降大任一葉樣波心鬼役功何有神通泛亦湛
當時垂裕遠底處永言沉苗裔傷今古躑躅向島吟

娥池

婉嬋鍾淑德窈窕倪天姝五色雲呈異九重夢已符
龍騰爲國母聖誕繼皇圖脉脉池如舊空令後起吁

自述

何天催日馭未見爲余留踏月酸生脚看書花亂眸
鏡中悲盡白川上歎長流願結無懷氏厭厭夜夜遊

其二

射弧非志穀類婦亦封番通漢窮殊想登嵩豁壯眸
許從齊琴誤淚向魏苑沉鵬歛冲天翼鷗堪搶地遊

其三

過客先陰駛浮生逆旅番皇王勤沒齒功烈僅盈眸
倬彼竟天漢獨能振古流挽歸方寸地願托大方遊

其四

天胡雙鳥遣囚得一家番陰慘收霜翮陽舒霍雷眸
天看南極老孟視北溟流會被天科放軒空振大遊

其五

澹然生白室一介未曾留自聽奚闕耳冥觀不任眸
昏昏非美事察察亦庸流玄牝門通處赤松可與遊

次仲賢

公之弟冠興君諱希聖
字仲賢号蘭室

沙白天青處單衣寸廩留相思悲皓首何日對青眸

膠柱功名誤隙駒歲月流今年秋又盡已矣其君遊

其二

自非魚水樂京國古難留瘦馬多穿骨霜風早射眸
冬誰居煖燠夏少浴清流遠客須三反歸來是壯遊

其三

遊子來何晚長安不可留兒懸忠父惘妻涸望父眸
富貴雲同視光陰水共流天涯空守苦孰與我同遊

其四

風高驚歲晏路遠悶君留衣破露雙肘心著低兩眸
病兄悲咏脊鰈子泣成流墓木俱垂拱不宜長遠遊

又次仲賢兼示百鬼

第四子講百英号
花洞官左丞旨

浮名戎形役忠孝冀心蓄諂毀著稱口賢能爲轉瞬
隨行眞崕崕獨立亦風流得失置諸外方知至樂遊

其二

爾堪黃鵠舉我好賈胡留嘴月嗤迷命臨歧晒掩眸
康莊難濫棘滯瀕卽安流日日加餐飯時時戒浪遊

其三

欲策名須早春歸花不畱眠來宜刺股客至莫凝眸
唇葉能無逸收功始出流急施三昧手霜忍自恢遊

其四

四年長額額爲苦亦彌留床薦幾穿膝睡魔爭闔眸
莫嫌我當坎難沮爾乘流一化六千背終搏九萬遊
其五

結榻在何處入京誰與留南來無報鴈北望未回眸
問難尋聞友優悠謝俗流精詳且勤密然後得天遊
送仲賢歸京

送君有所思不獨爲年荒關路多顛越新寒易觸傷
功名天不必骨肉我難忘急務惟完聚何須久帝鄉
擬豫章行贈送仲賢赴燕京之行

皇皇嗟我祖成廟大知名方召當時望關張後世驚

早年賓上國清德動燕京此日悠思非闕遠別情

其二

閭閻嗟余季人道直而良早有丈夫志今觀上國先
每懷先祖德無忝丈人望遙想言歸日梅花影滿觴

其三

咄咄嗟吾命欲言言已長才名歎箕斗骨肉亦參商
慘手歸田墅掉頭向帝鄉新秋無與其獨立溔溔滂

其四

嗟彼曷曷路委蛇阻且長風稜砭入骨韃子梗跳梁
患難行乎素忠誠動彼蒼斯文天未喪不日達于王

其五

嗟爾忽忽別忽忽別可傷窮無行者賸病不遠于將
方信凶年暴何多利口鉅斯征又斯邁共勿泰周行
其六

嗟爾遲遲去遲遲去更思宦遊真得計匏繫豈男兒
附鳳翔千仞羣鷗守一枝江郊秋欲興誰與共傾危
記夢戒百英

尚貴元非貴趨同亦不同海山能近取動靜自惟中
簡儉平生事清勤第一功豁然聞大道天地與無窮

題三樂亭示諸子

俱存天地日無故鴈行時對越無著作同羣豈怛怛
英材隨所得教育各因互一二三亭樂百千萬世誰

開池寄雙檜

鑿破昀昀隰渚匯混混泉偶成形半月先得影全天
九節菖三面千章木一邊巷無人可恨觴咏問何年

其二

地闊幾千古開池喟自今築壩鞭萬石評勝芥千金
岸壓滄溟濶波涵雲漢淡非關先舊宅多少起新吟

寄雙檜

自若之出矣雲樹兩冥冥巷有啁啾溫門無剝啄驚

詩壇茅塞久筆塚草生平病日長含淚何當刮舊青

寄大谷

同國又同洞天歟亦偶歟榮枯知自別庚甲季相於
易澗通沙月龜峯對水餘一牛鳴許地雙鳥會何如
用前韵自述

漫漫又容容無處更歸歟得得人皆是涼涼我孰於
三緘居野遠百舌弄春餘皇覽揆初度丹心皎日如
其二

厄會天何意獨吾疊疊歟豚獬嗟日日孫病又於於
赤脚呻吟吟竝瘡駒皮骨餘菱花曉來看霜髮忽粉如

其三

謗毀雲同起，知心果孰歟。
羣居鷄壤異，孤立鶻爭於。
百口生無賴，一身病有餘。
羨看林外鳥，飛集自如如。
次李長城贈別長沙人

相思千里遠，邂逅自多情。
野路長兼短，秋天陰復晴。
何論行旅苦，唯覺別愁生。
任聽窓前樹，蕭蕭爲送聲。

其二

關河迢遞路，重到問何情。
堂靜人如玉，雲高日轉晴。
黃花秋氣晚，青竹夕涼生。
嘿嘿難離處，山溪莫咽聲。
次大谷韻邀三內

古寺遊秋客
翳探久不來
愛他楓蘿整
憐殺菊交苔
詎好同仙臥
應嫌伴俗回
隣朋尋舊榻
剝啄獨徘徊
其二

剝啄知何意
爲邀顯者來
遙期初六日
已掃滿庭苔
計拙門殊冷
村深路又回
惠然其嚙肯
悵望苦徘徊
其三

秋園政明媚
何害一遊來
若許臨鳥傘
何嫌破綠苔
須從朝日出
宜逐暮山回
願望佳音至
臨風徘徊徂
其四

性有耽閒癖
門無車馬來
小庭堆落葉
幽徑久封苔

菊放霜初下竹搖風少回願言嘉客至觴咏共徘徊
其五

聞道長安客深悲去國來親朋多謝世庭院又生苔
忽聽賓鴻叫思策馬回一壺將叙別倚席望徘徊
謝大谷賡來

窮谷有何好憧憧不待邀大言人瞻落清義世顏凋
雙檣師宣聖八分僕李潮墳簾成幾曲今去佐韶蕭

呈大谷

次大谷贈人韻兼示純甫等邀會而又自述

歸去來三逕如今已兩春是非織口了悲樂轉頭新
病阻常尋見情同未許親相思不相棄鮑管是前身

其二

知君居邑邑默默獨傷春
鶯語隨風軟柳條
春色新
音容森若接談笑
閒何親天地幾時轉
參商化一身

右小室少女一時
俱沒故云

呈純甫

行樂輸心會紅稀綠暗春
霞觴涵出影花貌
蘇溪新
媿獨年年貧
那能款款親
儒冠兼老病
誤殺百年身

其二

水落巖奇處羣賢會
賞春寬閒泉石勝
貽蕩物華新
珍錯盃盤籍悲歡
笑語親有願難禁
業其奈病纏身

其三

千年修禊事不見幾徂春
水落崑殊絕蘭亭會更新
沉痾眞我崇勝席莫吾親
甚矣吾衰也傷心不獨身

自述

良辰誰曰好我獨怨三春日
永吼腸苦花開笑老新
危單愁易醉農急恨難親
况復忽忽過年年老此身

其二

吟詩復吟病悲世更悲春
丹面依依舊白頭箇箇新
園花何故笑野鳥不期親
我老猶堪盡沉痾又此身

其三

備嘗人世味六十有餘春紙閱番番薄棊看局局新
初忘三月味終欲九夷親戚戚都無騁棲棲因小身
其四

心存徒益壯顏枯不生春年暮六旬化盤患三日新
鮎竿悲半世風樹泣雙親鳴洞何年月安棲一老身
其五

聞說東萊水溫溫陪煖春舊痾能去快生意卽回新
洪澤何容贅潭恩不翅親要鞭廐下馬浴此苦吟身

和求禮韵

時雙檜
監水禮

昨年雲水宰山水又遨頭隨處惟惺足何知歲月流

樂司馬消夏笑宋玉悲秋忽念長沙愛潛生獨夜吟

其二

貴冑已揮手功名亦掉頭悠悠懷異境逐逐屬頭流
胡乃嬰斯疾彌留到此秋佳期間已失哀淚動盈眸

又謝惠紙

雲雨生翻手沮盟卽轉頭人同唾獨立君獨耻同流
雅操雙蒼檜高懷一素秋開緘三卷紙先射兩塵眸

又謝黃崇善同遊方丈山

黃公名廷宣
成均進士

灼灼君紅面蕭蕭我白頭忘形情自款論齒淚潛流
一別餘千里相思今幾秋忽聞方丈約頻勝對青眸

聞大谷悲語因寓之於詩

驚聞憐家老梅花今已衰娟娟彼姝子朝朝有佳期
手採春山藥心傳碧相危風情何處置一去莫重歸

謝大谷

天生貧與富誰逐又誰慙不恨名難著休嗟運久凋
立揚欽古訓進退看前潮會見翔千鳳來儀帝舜蕭
次竹谷和雙槍韻

與君相和唱如昨已三春目刮渾依舊詩看喜益神
文章可傳世鍾鼎未關身不快逢場飲應慙頭上巾

贈長沙娥

青眼逢何幸紅顏盡若春善吟詩出性能唱曲驚神
心上留雙會寰中化一身何知日將暮車駟莫須巾

次書敬能詩軸

並出朝鮮國相逢丁巳年玄談終日聽淑意不言傳
卓錫向何許單瓢動莫牽誰無山意思難却一身纏

答山中翁

梅篁擁茅閣露髮臥清陰門有人題鳳軒無客抱琴
潭虛涵晚菊谷密響幽禽瓊玖投岑寂楚然直百金

次徐敏夫靜庵韻

萬落千村裡何知有此廬尊開賢聖酒案積古今書

四遠山窗客一橫水可魚浮名人逐逐多子獨如如

其二

鐵浦千年勝徐卿數架廬生平樂幽獨事業只詩書
忘却家無磻睨他食有魚物華詩可賦閒意盡難如

其三

昔有臥龍者稱之非草廬囂囂雲富貴澹澹樂琴書
物累視風馬操修戎木魚一堂兼動靜捨此更焉如

其四

南中固多勝岑寂獨君廬久絕朝天夢時看種樹書
一窓通宇宙方寸謁鰲魚白髮紅塵客聞來媿不如

又次徐敏夫石川韵

閒適爲君子竊通不足論一心機已斷三籟聽猶喧
地隔誰推戶天高獨倚軒何年同子上細酌賦危言
其二

聞之名已好何待菊潭論得月恩生白迎風竹送喧
焚香時讀易寄傲或憑軒浩浩歌成處問誰可與言

其三

額靜知何意次吟爲細論尸居貴龍見淵默亦雷喧
矛盾今兼古泥塗冕與軒箇中多小味難與俗人言

送別城主

世卜丹邱勝應鍾岳瀆英才華會芥第德宇又孟渙
作宰民天戴朝王國水平遭荒離杜母天道奈冥冥
客懷錄奉海運使吳太和鴈林公

君方靡盬賦我極係匏鳴只在崇朝路相持客歲情
悠悠春已去脉脉句猶成此日頭將白何時眼更青
寄希渡

溪林爲別墅閒適寄餘生岳瀆輸奇狀神祇效異蹟
饒賢爭倚賴有子邁徐卿貴富人同欲雙全古亦驚
病中次張秘書和韓吏部韻

君子之行止何常惟義宜徹炊非急急出晝豈遲遲

今昔元同理聖賢故貴持雲鵬搏萬志斥鷃未曾知
寄評事李景獻

歲年頻水旱邦國又戈鋌仆谷民無措中軍將不前
籌謀時得一阻隔路殊千顛倒吾南事調劑喜有賢
次薛公信青翠堂韵

肯構千年計非闕祖子孫繁奴裴度墅談友浣花村
木古生何代灘長夜夏暄二難兼四美車馬日盈門

其二

經營是終老不獨爲詒孫地勝魁南國題高倒後村
笙歌朝暮咽觴咏主賓喧大隱當如此何曾較鹿門

其三

幼婦持 術溪山亦外孫涵清來 環翠渡平村

谷遂通長路堂高絕俗喧風沉人共仰凡鳥孰題門

其四

騷人來寫景幾度展雲孫卜得三清地號堪二樂村
山顏舍久靜溪舌語長喧豈獨耽清景弄真妙入門

題通軒

松篁彌北郭沃野極南維疊嶽圍成幃澹溟壓亦池
四時殊態度萬像到軒墀天地呈怪秘應嫌菊老知

遊可藏寺

遙望爲荒野今來卽草堂地高山亦下霜重菊猶芳
小閣優舒卷清泉可濯湘始知霄壤內無處不深藏
次永思亭韻

卜地問何歲久藏丁巳春先扁人伏孝肯構世 仁
詒厥謨偏遠登臨思更新溪山今有主來往孰辭頻

其二

池淵千古鏡松竹四時春同得林泉勝誰知天地仁
恩誠心對越感物目驚新不覺閒來往傍人莫道頻

其三

惟底評高逸徒知有富春樂天雙靖節奉母一安仁

臺閣從今煥林薈等古新非關禽鳥訝路亦括眸頻
其四

礎礪人不億誰得報三春殉世難乎義忘親鮮矣仁
巍然亭邁古凜若額舍新擴盡楣間語何憂國步頻
其五

的的題三字從今抵萬春滔滔俱役景納納獨求仁
笑世名徒美多君意轉新風雲月露句客恐漫頻頻
其六

高執亭上人誰復和陽春觀水知宗海看花喜到仁
守真來至靜吐故納脩新自是門常掩何曾畏客頻

其七

閒占亭中勝調他

春扶筇呼竹弟和粥碎桃仁

日願神久時吟得句新何人知到此可笑譽徒頻

其八

百花堂上老長爾其餘春臨鏡頭將白當權手仁

風雲看世變花月樂時新一見孤亭額三歎不覺頻

其九

青眼相逢處紅粧三月春雖無以德多幸友其仁

匹馬遊懷舊名區話輒新登應有日蜀頻頻

其十

境接三清界，傳濃萬古春。父天而母地，水智又山仁。
萬像收方寸，孤亭爲創新。永思兼永，逐逐不嫌頻。

其十一

賈胡留醉境，殘燭春燕來。初翻浪梅兄，已抱仁
風光隨處足，歸思屬亭新。摠得酣餘興，傳觴何許頻。

輓宋公

君家跼予望，我事餒君聽。祗隔盈盈水，常持脉脉情。
百年要契濶，一夕忽幽冥。翻覆人間事，誰知掌樣輕。

其二

萬人同一口，積善出乎常。易曰有餘慶，書稱降百祥。

詒謀應不億垂祿定無彊莫恨穢園露要看後永昌

其三

誰謂宋之遠茫蒼一望前同時又同境相見苦相懸
跬步長爲阻平生永隔泉始知人世事一見亦皆緣

其四

內洞眞天作高門占大坤詒謀垂重慶幹蠱有孤孫
坦腹人同許穿楊衆所聞財高才亦大坐見世爭婚

其五

平生悲且樂六十有餘茲幹蠱兒何先冢女已歸
孤孫來見日挽幅抱投時間說臨終訣叵堪老淚垂

其六

家世聯何代富豪領大東
累仁傳祖業積德啓家風
似續兜初喪孔懷弟再凶
人間悲樂事一笑付圓空

其七

氣朴義農上純真又絕今
功名知委命侈富自無心
偶作一鄉首長爲百里欽
應多身後報門類莫沾襟

其八

家住雖相近容顏承未曾
有聲聞已慣實德問何憑
好善真君子無心是上乘
大綱今乃正餘事不須徵

其九

生子亨泰日安分老遐荒心佚身何疾財饒家亦康
有先先祖業無媿丈人行毓慶必垂後山高復水長
其十

誰說豪家胃心真居士徒明農爲事業積蔭是工夫
陰陽天常道休祥鬼必符有孫能赫世厥理豈人誣

其十一

頎然一男子生長太平辰業守先人富心追古者淳
一鄉尊有望萬口善無倫永錫天應報門闌舊益新

魏宣內禁妻

糟糠今幾歲琴瑟卅餘秋阻勉外無斃劬勞內亦修

居家君盡道行世我何憂
花苑期同老草堂誰與留

其二

漠漠尋何處
森森滿月憐
堂園塵匝地
子女哭號天
百歲成佳約
一朝總惡緣
相思花月夜
中熱暗生煙
輓金盆叔妻

柔嘉人所重
窮約不須嗟
何有何亾苦
以陰以雨和
三男能幹蠱
一女亦宜家
六十人間事
秋雲萬古坡
自述

目小三千界
年高五十春
功名何用力
山水可頤神
新構數間屋
安棲一老身
只緣時事急
不覺拂塵巾

時事

越我三韓國昇平二百春綱張兼目舉子聖又孫神
道泰擬前盛兵塵適此身懷音聞未好誰復巾

編竹渡蟻

推恩互月小陰隲理昭然始覺丰神異俄魁擢桂仙
偶收仁速效况滄已顛連欲達爲仁術富觀竹一編

其二

人多狀骨肉君獨活微蛎不忍聊編竹那知忽格天
神丰駭異眼科捷冠羣賢效連尙如此當仁盍勉旃

菊潭遺稿卷之上



